

<b>PWYLLGOR:</b>	<b>IS -BWYLLGOR TRWYDDEDU CANOLOG</b>
<b>DYDDIAD:</b>	<b>17 RHAGFYR 2013</b>
<b>TEITL:</b>	<b>CAIS I AMRYWIO TRWYDDED EIDDO – LATE SHOP, 13 Ffordd CAERGYBI, BANGOR</b>
<b>PWRPAS:</b>	<b>ER PENDERFYNIAD</b>
<b>AWDUR:</b>	<b>PENNAETH ADRAN RHEOLEIDDIO</b>

### CEFNDIR AIL GYFLWYNO'R CAIS

Atodir cais i amrywio trwydded eiddo Late Shop, 13 Ffordd Caergybi, Bangor uchaf, LL57 2EG oddi wrth deilydd y drwydded Melanie C Jones.

Fe gofiwch y bu i'r Is Bwyllgor hwn benderfynnu mewn gwrnadawiad ar yr 8fed o Dachwedd 2013 nad oedd modd clywed y cais hwn na penderfynnu arno oherwydd fod tystiolaeth wedi ei gyflwyno yn ystod y gwrandawriad fod y cais wedi ei hysbysu yn anghywir.

Er mwyn i'r Is-bwyllgor allu ystyried y cais, mae gofyn iddo gael ei gyflwyno yn unol â gofynion y Ddeddf Trwyddedu 2003 a'r rheoliadau cysylltiedig. Un o'r gofynion yw bod y cais yn cael ei hysbysu ymlaen llaw.

Yn y mater hwn, hysbyswyd y cais yn y Chronicle ar 12 Medi 2013 gyda hysbysiad diffygiol. Roedd yr hysbyseb yn ddiffygiol oherwydd nad oedd yn crybwyll bod y cais mewn perthynas â diwygio'r weithgaredd trwyddedig o werthu alcohol.

Oherwydd y diffyg hwn ni hysbyswyd y cais yn briodol. Gan nad oedd wedi ei hysbysu yn briodol nid oedd gan yr Is-bwyllgor yr awduredd i ystyried y cais ar yr 8fed o Dachwedd, heb son am wneud penderfyniad o ran a ddylid ei ganiatau neu ei wrthod.

Fe hysbyswyd yr ymgeisydd a'r rhai a yrrodd sylwadau ar y cais ar y 19 o Dachwedd 2013. Gweler gopi yn amguedig o'r llythyr a yrwyd.

Yn dilyn cyfarfod yr Is Bwyllgor, fe ail gyflwynwyd y cais gan y deilydd ar y 12 fed o Dachwedd; ac fe ellir cadarnhau fod yr hysbyseb wedi ei gyflwyno yn gywir, yn unol a gofynion y Deddf Drwyddedu 2003 a'r rheoliadau perthnasol. ( gweler gopi o'r rhybydd ynghlwm)

### CAIS

Cyflwynir y cais am ymestyniad ar yr oriau gweithgareddau trwyddedig safonol o ddarparu lluniaeth hwyr y nos a gwerthu alcohol i'w yfed oddi ar yr eiddo.

Gweler y manylion yn y ffurflen gais mewn perthynas â'r camau a bwriedir eu cymryd gan yr ymgeisydd i sicrhau cydymffurfiad gyda'r amcanion trwyddedu.

Argymhellir oriau gweithgaredd trwyddedig fel a ganlyn –

	<b>TRWYDDED GYFREDOL</b>	<b>TRWYDDED ARFAETHEDIG</b>
Dyddiau	<b>Oriau darparu lluniaeth hwyr</b>	<b>Oriau darparu lluniaeth hwyr</b>
<b>Sul- Mercher</b>	23:00 – 02:00	23:00 – 02:30
<b>Iau</b>	23:00 - 02:00	23:00 – 03:00
<b>Gwen - Sad</b>	23:00 - 02:00	23:00 - 03:30
	<b>Oriau gwerthu alcohol oddi ar y r eiddo</b>	<b>Oriau gwerthu alcohol oddi ar y r eiddo</b>
<b>Sul- Mercher</b>	08:00 – 02:00	08:00 – 02:30
<b>Iau</b>	08:00 - 02:00	08:00 – 03:00
<b>Gwen - Sad</b>	08:00 - 02:00	08:00 - 03:30

**Noder** fod yr oriau agor cyfredol ac arfaethedig ar gyfer yr eiddo yw 24 awr y diwrnod , 7 diwrnod yr wythnos.

## **YMGYNGHORIADAU**

Ymgynghorwyd ar y cais, ac erbyn y 4ydd o Ragfyr derbyniwyd yr ymatebion canlynol -

<b>YMATEBION</b>	<b>SYLWADAU</b>
Aelodau lleol	2 e bost - gwrthwynebiad
Cyngor Dinas Bangor	1 e bost gwrthwynebiad
Heddlu Gogledd Cymru	2 e Bost - amodau , dim gwrthwynebiad

**Noder** fod y cyfnod ymgynghori ar y cais wedi ail gyflwyno yn dod i ben ar y 12/12/13 – ac efallai y bydd sylwadau pellach ar y cais wedi eu derbyn erbyn dyddiad y gwrandawriad hwn.

## **CRYNODEB O'R SYLWADAU A DDERBYNIWYD**

### **Aelodau Lleol – Cyngor Gwynedd**

Derbyniwyd e bost yn gwrthwynebu gan ddau o aelodau lleol , yn bennaf ar sail yr amcan trwyddedu o atal niwsans cyhoeddus oherwydd posibilrwydd o gynnydd mewn sbwriel a sŵn. Noder fod yr eiddo yng nghanol ardal breswyl. Mynegwyd pryderon yn ogystal y byddai ymestyniad mewn oriau yn arwain at gynnydd mewn trosedd ac anrhefn.

### **Cyngor Dinas Bangor**

Derbyniwyd tri e bost gan gynghorwr unigol ac un e bost gan Glerc y Cyngor yn gwrthwynebu'r cais ar sail yr amcanion trwyddedu o atal trosedd ac anrhefn a niwsans cyhoeddus. Nodwyd fod yr oriau arfaethedig yn mynd i arwain at gynnydd mewn trosedd ac anrhefn, yn ogystal â chynnydd mewn niwsans sŵn a sbwriel ar y stryd.

### **Heddlu Gogledd Cymru**

Nid yw'r Heddlu yn gwrthwynebu'r cais am ymestyniad oriau. Safbwynt yr Heddlu yw bod yn briodol i holl drwyddedau eiddo gwerthu lluniaeth hwyr y nos ym Mangor fod yn gyfartal o ran oriau gweithgaredd trwyddedig, er mwyn hyrwyddo'r amcanion trwyddedu. Nodir fod yr Heddlu yn gofyn am gynnwys amodau ar y drwydded parthed TCC a Goruchwylwyr Drysau. Nodir yn ogystal fod yr Heddlu yn cydnabod fod Bangor Uchaf yn ardal breswyl; a bod yr ymgeisydd wedi cytuno i ymestyn yr oriau tuag at y penwythnos oherwydd hyn.

Gweler manylion llawn y gwrthwynebiadau ynghlwm a'r adroddiad.

## **ARGYMHELLIAD**

Gofynnir i'r Is-bwyllgor ystyried y cais yn unol â gofynion y Ddeddf Trwyddedu 2003.